



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e - mail: info@voda.ba

Broj: **UP-1/21-3-40-597-6/23**
Datum: **15.04.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „I-SELIMović“ d.o.o. Cazin, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Vilenjača Brig" u naselju Vilenjača, Grad Cazin, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. Stav (1) Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Pravnom licu, „I-SELIMović“ d.o.o. Cazin, daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode pri eksploataciji dolomita na lokaciji kamenoloma "Vilenjača Brig", a čije su granice istražnog polja odobrene Rješenjem Federalnog ministarstva prostornog uređenja, broj: UPI/03-23-2-38/09 od 09.04.2009. godine, kojim se daje urbanistička saglasnost privrednom društvu „HALKO“ d.o.o. Cazin za površinsku eksploataciju mineralne sirovine kamena dolomita i postavljanje drobiličnog postrojenja na lokalitetu „Vilenjača brijeg“, Rješenjem Federalnog ministarstva energije, rudarstva i industrije, Up/I broj: 06-18-77/02 od 10.07.2009. godine, kojim se odobrava privrednom društvu „HALKO“ d.o.o. Cazin eksploatacija mineralne sirovine na predmetnom istražnom prostoru, odnosno Rješenjem Ministarstva privrede Unsko-sanskog kantona broj: 06-18-3783-UP-1/2013 od 26.04.2013. godine, kojim se odobrava prenos odobrenja za eksploataciju sa privrednog društva „HALKO“ d.o.o. na privredno društvo „I-SELIMović“ d.o.o. Cazin.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede i šumarstva Unsko-sanskog kantona, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu i pod slijedećim uslovima:
 - 3.1. Da korisnik objekta za eksploataciju dolomita na površinskom kopu „Vilenjača Brig“ s pratećim sadržajima, u toku važenja ovog Rješenja izvrši radove predviđene Detaljnim dinamičkim planom po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine – PRILOG A,
 - 3.2. Da korisnik objekta za eksploataciju dolomita na površinskom kopu „Vilenjača Brig“ s pratećim sadržajima, u toku važenja ovog Rješenja izvrši radove predviđene Dinamičkim planom sa predmjerom i predračunom radova za glavni projekt vanjskih hidroinstalacija sa tretmanom otpadnih voda za kamenolom i asfaltnu bazu, urađenim od strane pravnog lica s ovlaštenjem, Euroing d.o.o. Bihać, pod brojem DP-01-03/22 (radovi na izgradnji vodovodne i hidrantske mreže te ostali radovi koji nisu vezani za izgradnju sistema za prikupljanje, tretman i ispuštanje tehnoloških otpadnih voda, koji su definirani u PRILOGU A, u prethodnoj tački Rješenja),
 - 3.3. Da korisnik objekta za eksploataciju dolomita na površinskom kopu „Vilenjača Brig“ s pratećim sadržajima, u toku važenja ovog Rješenja, u skladu sa članom 17. stav (2) tačka 9. Pravilnika o sadržaju, obliku, uslovima, načinu izdavanja i čuvanja vodnih akata („Službene novine F BiH“, broj: 31/15, 55/19, 41/20 i 63/22) pribavi vodni akt za uređenje vodotoka II kategorije, a koji se odnosi na izmješteno korito potoka Krstaš, koje je izvedeno na dijelu korita navedenog vodotoka, a na dijelu zemljišta označenom kao k.č. broj: 862 K.O. Vilenjača i k.č. broj: 4535 K.O. Stijena.

- 3.4. Da korisnik objekta za eksploataciju dolomita na površinskom kopu „Vilenjača Brig“ s pratećim sadržajima, u toku važenja ovog Rješenja, u skladu sa članom 11. Zakona o vodama pribavi rješenje o ukidanju statusa javnog vodnog dobra za izmješteno korito potoka Krstaš, koje je izvedeno na dijelu korita navedenog vodotoka, a na dijelu zemljišta označenom kao k.č. broj: 862 K.O. Vilenjača i k.č. broj: 4535 K.O. Stijena.
- 3.5. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
- 3.6. Korisnik mora obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisija otpadnih voda iz iskopavanja kamena, kvarca, dolomita - Prilog 27, Tabela 1. Uredbe o uslovima ispuštanja otpadnih voda u okoliš i sisteme javne kanalizacije („Službene novine F BiH“, broj: 26/20, 96/20 i 1/24).
- 3.7. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
- 3.8. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.9. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.10. Opasni materijal i otpad nastao pri izvođenju radova i eksploataciji mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
- 3.11. Da se redovno vrši monitoring prečišćene oborinske onečišćene vode iz okna za monitoring shodno članu 19. do 24. Uredbe o uslovima ispuštanja otpadnih voda u okoliš i sisteme javne kanalizacije te pojedinačne i zbirne godišnje izvještaje dostavi Agenciji u skladu sa članom 23. iste Uredbe.
Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10).
4. Korisnik predmetnog objekta ne smije vršiti eksploataciju mineralne sirovine niti bilo kakve iskope ili miniranja izvan površine odobrenog eksploatacionog polja.
5. Vlasnik, odnosno korisnik objekta je obavezan voditi propisane evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
6. U periodu važenja ove dozvole, korisnik „I-SELIMOVIC“ d.o.o. Cazin je dužan provoditi sve mjere i aktivnosti propisane istom.
7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog kompleksa obuhvaćenog ovom vodnom dozvolom, korisnik zaštitnih vodnih objekata nije odgovoran za nastale štete.
9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
10. Ova vodna dozvola, u skladu sa članom 1. stav (1) Uredbe o izmjenama i dopunama uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24) daje se sa rokom važenja do 30.06.2026. godine.

11. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
13. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

Obrazloženje

Pravno lice „I-SELIMOVIĆ“ d.o.o. Cazin, obratilo se ovoj Agenciji dana 18.12.2023. godine zahtjevom, broj: 322/23 za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Vilenjača Brig", izgrađenog u naselju Vilenjača, Grad Cazin, a na kojem se vrši eksploatacija industrijske mineralne sirovine dolomita.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Aktuelni izvod iz sudskog registra, Matični broj subjekta upisa: 1-2548-00; izdan od strane Općinskog suda u Bihaću dana 14.10.2023. godine (ovjerena kopija),
- Uvjerenje o poreznoj registraciji, izdano dana 13.12.2002. godine, od strane Federalnog ministarstva financija - finansija, Porezne uprave – Kantonalnog ureda BIHAĆ (ovjerena kopija),
- Operativni plan u slučaju incidentnih zagađenja za kamenolom Vilenjača; urađen od strane Instituta za kvalitet, standardizaciju i ekologiju TQM d.o.o. Lukavac pod brojem protokola 5250/22, dana 31.10.2022. godine (kopija),
- Godišnji izvještaj o monitoringu i ispitivanju otpadne vode objekta za proizvodnju šljunka i asfaltne baze na lokaciji Stijena, Cazin; urađen od strane Poduzeća za kontrolu kvalitete i količine robe HERKON d.o.o. Mostar pod brojem GI-OV-02-049/23, aprila 2023. godine, u Mostaru (kopija),
- Ugovor o koncesiji br. KU 030/2011 za eksploataciju dolomita na ležištu „VILENJAČA BRIG“ u općini Cazin, zaključen između koncesora – Ministarstvo privrede Unsko-sanskog kantona i koncesionara – „HALKO“ d.o.o. Cazin, dana 26.09.2011. godine u Bihaću pod brojem 06-18-10570-1/2011, odnosno brojem: 17-01/2011 (kopija),
- Ugovor o prenosu ugovora o koncesiji br. KU 030/2011 za eksploataciju dolomita na ležištu „Vilenjača Brig“ u općini Cazin, zaključen između koncesora – Ministarstvo privrede Unsko-sanskog kantona i koncesionara – „I-Selimović“ d.o.o. Cazin, odnosno privrednog društva „Halko“ d.o.o. Cazin, u Bihaću dana 16.07.2013. godine pod brojem: 06-18-10570-2/11, odnosno brojem 95-01/13 (kopija),
- Situacioni plan kopa sa naznačenim prelominim tačkama eksploatacionog polja i položajem drobilnog postrojenja; urađen od strane Rudarskog instituta d.d. Tuzla dana 01.07.2009. godine te ovjeren od strane Federalnog ministarstva energije, rudarstva i industrije pod brojem Up/I broj: 06-18-77/2009, dana 10.07.2009. godine, u Mostaru (kopija), na uvid
- Upotrebna dozvola za utovarivač; izdana od strane Euroing d.o.o. Bihać pod brojem UD-018/014/2022, dana 12.07.2022. godine, u Bihaću, na period od tri godine (kopija),
- Upotrebna dozvola za utovarivač sa plugom i utovarnom korpom; izdana od strane Euroing d.o.o. Bihać pod brojem UD-018/076/2022, dana 12.07.2022. godine, u Bihaću, na period od tri godine (kopija),
- Upotrebna dozvola za bager gusjeničar; izdana od strane Euroing d.o.o. Bihać pod brojem UD-018/041/2023, dana 24.10.2023. godine, u Bihaću, na period od tri godine (kopija),
- Upotrebna dozvola za mlin čekičar; izdana od strane Euroing d.o.o. Bihać pod brojem UD-018/015/2023, dana 24.10.2023. godine, u Bihaću, na period od tri godine (kopija),
- Rješenja o vodnoj dozvoli, izdano od strane Agencije za vodno područje rijeke Save pod brojem UP-I/25-3-40-490-11/21, dana 09.06.2022. godine (kopija),
- Glavni rudarski projekt eksploatacije kamena dolomita na PK – kamenolomu „Vilenjača – Brig“ kod Cazina; urađen od strane Rudarskog instituta d.d. Tuzla pod brojem 30-01-02/09, decembra 2009. godine, u Tuzli (kopija prve strane),

- Rješenje, kojim se privrednom društvu „I-SELIMOVIĆ“ d.o.o. Cazin, odobrava izvođenje radova po Glavnom rudarskom projektu eksploatacije kamena dolomita na PK-kamenolomu „VILENJAČA-BRIJEG“ kod Cazina; izdano od strane Ministarstva privrede Unsko-sanskog kantona pod brojem: 06-18-11664-UP-1/2015, dana 16.10.2015. godine, u Bihaću (kopija),
- Nalog za plaćanje upravne pristojbe (kopija),
- Uvjerenje o registraciji/upisu u Jedinствени registar obveznika indirektnih poreza; izdano od strane Uprave za indirektno-neizravno oporezivanje Bosne i Hercegovine pod brojem 04/1-UPJR/1-5018-2/10, dana 06.12.2010. godine, u Banjaluci (ovjerena kopija),
- Godišnji izvještaj o monitoringu i ispitivanju otpadne vode objekta za proizvodnju šljunka i asfaltne baze na lokaciji Stijena, Cazin; urađen od strane Poduzeća za kontrolu kvalitete i količine robe Herkon d.o.o. Mostar pod brojem GI-OV-02-049/23, aprila 2023. godine, u Mostaru,
- Dinamički plan sa predmjerom i predračunom radova za Glavni projekt vanjskih hidroyinstalacija sa tretmanom otpadnih voda za kamenolom i asfaltnu bazu; urađen od strane Euroing d.o.o. Bihać pod brojem DP-01-03/22, marta 2022. godine, u Bihaću, (kopija),
- Detaljan dinamički plan po godinama sa aktivnostima, finansijskom procjenom i rokovima za izgradnju i puštanje u rad sustava za prikupljanje, tretman i ispuštanje otpadnih voda, a najkasnije do 30.06.2026. godine – PRILOG A,
- Zaključak o visini i roku za plaćanje posebnih troškova, izdan od strane ove Agencije, broj UP-1/21-3-40-597-4/23, dana 26.01.2024. godine, te kopija naloga za plaćanje istih.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22), izvršen je pregled lokaliteta kamenoloma „Vilenjača Brig“, koji se koristi od strane firme „I-SELIMOVIĆ“ d.o.o. Cazin, i tom prilikom sačinjen zapisnik o uvidaju, broj: UP-1/21-3-40-597-5/23 od 25.03.2024. godine, pri čemu je utvrđeno:

Eksploataciono polje je površine 4,61 ha ograničeno prelomnim tačkama označenim kao: A, B, C, D, E i F, koje su definisane koordinatama (x,y):

Prelomne tačke	koordinate	
	Y	X
A	5 581 140	4 980 047
B	5 581 085	4 980 126
C	5 581 082	4 980 167
D	5 581 845	4 980 085
E	5 581 843	4 979 990
F	5 581 065	4 979 923

kako je definisano rješenjem Federalnog ministarstva energije, rudarstva i industrije Up/I broj: 06-18-77/09 od 10.07.2009. godine, kojim se odobrava eksploatacija kamena dolomita unutar eksploatacionog polja „Vilenjača Brig“, kod Cazina, odnosno rješenjem izdanim od strane Ministarstva privrede Unsko-sanskog kantona pod brojem 06-18-3783-UP-1/2013, dana 26.04.2013. godine, kojim se odobrava prenos eksploatacije dolomita na predmetnom eksploatacionom polju, sa pravnog lica „HALKO“ d.o.o. Cazin, na pravno lice „I-SELIMOVIĆ“ d.o.o. Cazin.

Uvidajem na predmetnoj lokaciji je konstatirano da je podnosilac zahtjeva izveo objekt postrojenja za proizvodnju asfaltne mase – asfaltnu bazu, za koje je pribavio prethodnu vodnu saglasnost i vodnu saglasnost od strane ove Agencije te urbanističku saglasnost od strane Službe za urbanizam i zaštitu okoliša Grada Cazina. Uvidom u dostavljeni Glavni projekt, situacioni plan kopa te uvidom na internet okoliša.ba konstatirano je da je podnosilac zahtjeva postrojenje za separaciju izgradio dijelom stranicu geoportal.ba konstatirano je da je podnosilac zahtjeva postrojenje za separaciju izgradio dijelom izvan eksploatacionog polja, a industrijski plato sa pratećim objektima u cijelosti.

Izdanim vodnim aktom, broj: UP-I/25-3-40-403-6/20 od 17.11.2020. godine, tačkom 3.1. rješenja je zahtjevana izrada projekta izvedenog stanja sistema za prikupljanje, tretman i ispuštanje otpadnih voda sa prostora predmetnog kamenoloma. Istom tačkom je definirano da projekat mora sadržati i Dinamički plan sa finansijskim ulaganjima (za sve predviđene objekta, kao i sistema za prijem, tretman i ispuštanje svih otpadnih voda), a u skladu s Uredbom o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 26/20) sa rokom za realizaciju istih do 19.12.2023. godine.

Prethodno izdanim vodnim aktom, broj: UP-I/25-3-40-490-11/21 od 09.06.2022. godine je konstatirano da je korisnik predmetnog objekta uradio i revidirano traženu projektnu dokumentaciju te uradio Dinamički plan aktivnosti koje je potrebno provesti da bi se ispuštanje otpadnih voda vršilo u skladu sa Uredbom,

Međutim, u datom vremenskom roku podnosilac zahtjeva nije izvršio radove predviđene navedenim dinamičkim planom.

U prethodnom postupku je utvrđeno od strane Službe za prikupljanje prihoda od vodnih naknada je dobijena potvrda da korisnik predmetnog objekta redovito izvršava obaveze plaćanja posebnih vodnih naknada.

Također, u prethodnom postupku je utvrđeno da je investitor pribavio urbanističku saglasnost za detaljna geološka istraživanja, urbanističku saglasnost za površinsku eksploataciju mineralne sirovine kamena dolomita i postavljanje drobilnog postrojenja, privremenog karaktera, rješenje za ustupanje rezultata geoloških istraživanja dolomita na istražnom prostoru „VILENJAČA BRIG“ kod Cazina od strane privrednog društva „HALKO“ d.o.o. Cazin, privrednom društvu „I-SELIMović“ d.o.o. Cazin, vodoprivrednu saglasnost investitoru d.o.o. „HALKO“ iz Stijene, općina Cazin za izvođenje radova geološkom istraživanju mineralne sirovine kamena – dolomita na lokalitetu „Vilenjača – Brig“ u Stijeni, općina Cazin, rješenje kojim se odobrava upotreba izgrađenih rudarskih objekata, postrojenja i uređaja na površinskom kopu „Vilenjača Brijeg“ te okolinska dozvola za eksploataciju dolomita.

Snabdijevanje vodom za piće, kao i snabdijevanje vodom u tehnološke svrhe (voda za potrebe sanitarnih prostorija i čajne kuhinje, za obaranje prašine na separacijskom postrojenju i transportnim putevima u ljetnom periodu, i slično) korisnik je obezbijedio sa vodovodnog sistema.

Oborinske vode sa internih saobraćajnih i parkiranih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom slijevaju ka potoku Jošik, koji protiče neposredno uz predmetni površinski kop.

Korisnik predmetnog objekta je izvršio izmještanje dijela potoka Krstaš, a korito je priključio manipulativnim površinama kamenoloma. Za navedene aktivnosti nije pribavio odgovarajući vodni akt niti rješenje o ukidanju statusa javnog vodnog dobra na prostoru zatrpanog korita.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su, u dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM taksu, prema tarifnom broju 3. Tarife federalnih administrativnih taksi.

Obrađivač akta: Ahmet Smajlović, dipl. inž. arh.

za Po ovlaštenju
Rukovodilac sektora za
izdavanje vodnih akata



Haris Ališehović, dipl. inž. građ.

Dostaviti:

- „I-SELIMović“ d.o.o. Cazin, Polje 15, 77 220 Cazin,
- AVP Sava, ISV – Vodna knjiga
- Sektor 50
- ⊗ Sektor 40, arhiva
- Oglasna ploča - AVP Sava